



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. III. An quis per privilegium possit eximi ab obligatione solvendi decimas.
& per quem?

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

§. III.

An quis per privilegium possit
eximi ab obligatione solvendi decimas,
& per quem?

Papa potest quidem validè de potesta-
te absoluta præceptum sive obliga-
tionem solvendi decimas, quoad omnes
Christianos tollere, modò ministris
Ecclesiæ de congrua sustentatione pro-
visum sit, cum hæc obligatio, qua talis,
non ex jure divino, sed Ecclesiastico
proveniat: vix tamen videtur causa suf-
ficiens excogitari posse, hujus tam uni-
versalis abrogationis licitè faciendæ.
Quodd tamen per speciale privilegium
particulari personæ concessum, vel per
generale toti communitati alicui con-
cessum possit immunitas à decimis ob-
tineri, vel à Papa, vel à jure communi,
probat nimis manifestæ experientiæ,
cum talis relaxatio nec præjudicet aliis,
qui decimas solvere debent, nec con-
trarietur juri divino. Hanc autem ex-
emptionem non Episcopi, aut alii Præ-
lati inferiores concedere possunt, sed so-
lus Summus Pontifex, cum illi contra
jus commune disponere non possint,
possit autem hic.

§. IV.

Quanam privilegia exemptionis
à decimis sint concessa religiosis, vel
etiam Clericis, jure com-
muni?

De jure communi antiquo Monachi
seu religiosi, imò & Clerici regula-
res in communi viventes, sunt exempti
à solvendis decimis etiam prædialibus, ex
illis scilicet prædiis, quæ propriis mani-

bus seu laboribus, aut sumptibus ex-
colunt. Quod tamen commune & uni-
versale privilegium per jura posteriora
multum restrictum fuisse ex c. ex parte 10.
h. l. patet (ubi hæc exemptio, in quan-
tum religiosos omnes concernebat, con-
cessa tantum fuit quoad novalia, quæ
propriis manibus, aut sumptibus ex-
colebant, & ad nutrimenta animalium
suorum sive pascua, ac hortos) & ad-
huc amplius per c. Nuper 34. h. l. ubi
decrevit Innocentius III. in Concilio
generali Lateranensi, ut religiosi im-
posterum de bonis & prædiis, quæ post
dictum Concilium acquisiverunt, et-
iamsi propriis manibus aut sumptibus ex-
colant, decimas solvant illis Ecclesiis,
quibus solvi ex talibus prædiis decimæ
debebant, antequam ad religiosos prædia
talia pervenerint, nisi aliter cum ipsis
Ecclesiis componant (tum ut ne occa-
sione privilegiorum nimium graventur
Ecclesiæ parochiales, tum ut Ecclesia-
rum Prælati & Rectores promptiores
sint ad jura religiosorum defendenda
contra violatores) etiamsi ea prædia pro
dote & fundatione seu sustentatione mo-
nasterij aut Ecclesiæ sint assignata, cum
enim talia acquisita cum suo onere trans-
eant, & prius, antequam ad monaste-
rium devenerint, onus decimarum ha-
buerint, consequenter mirum non est,
si cum onere hoc suo ad religiosos tran-
siverint, si aliunde privilegiati non sint.
Sicuti tamen hoc c. Nuper non exten-
dit se ad novalia, quæ post Concilium
Lateranense suis laboribus aut sumptibus
excoluntur religiosi, ob odiosam restric-
tionem, quæ nullam de novalibus men-
tionem facit & consequenter, non ob-